

1869 8.

EXAMEN ORDINANDORUM

PUBLICATUM QUIDEM ANTE BIENNIUM, JAM V. AD DESIDERIUM
multorum, Typis exscriptum.

ΧΑΙΡΕΙΝ καὶ ἘΤΔΙΑΓΕΙΝ,



Rnatissimis Dnn. Studiosis, qui ad Sacrum Ministerium adspirant, ut certò constet, quibus in partibus ante Ordinationis ritum examinabuntur, visum fuit Examina ista, quibus sese submittent, indigitare, ne ignorantiam excusatione levent, quasi non noverint, in quibus examinari debebant. Erit autem EXAMEN

I. LINGVARUM, quod requiret ab illis cognitionem LINGVÆ LATINÆ, & quidem exactam, ut sine mendis & loqui & scribere sciant: GRÆCÆ v. mediocrem, ut quæ vel totius Novi Testamenti, vel ad minimum pericoparum Evangelicarum resolutioni potest sufficere: Sed HEBRÆÆ illam (si non datur ultra) quæ vocabulum Hebræum, quoad radicem in Lexicis investigare, & ita in propriam ejus significationem inquirere valet.

II ARTIUM INSTRUMENTALIUM & PHILOSOPHIÆ: in ILLIS probè exercitati erunt, in HAC v. didicisse tenentur præcepta PHYSICES, MATHESIOS, (præcipuè quoad Arithmeticam, Geometriam, Primum Mobile, Geographiam, Computum Ecclesiasticum,) ETHICES, POLITICES & OECONOMICES, quantum Ministerii Candidato ex dignitate & usu videatur necessarium.

III. RERUM SACRARUM, in lectione BIBLICA, LIBRIS SYMBOLICIS & plenioribus aliis LOCIS THEOLOGICIS, (thesin veram ut sciant recitare ac defendere, nec non Antithesin refutare,) Item in HISTORIA ECCLESIASTICA, potissimum Novi Testamenti, quoad Concilia œcumenica, præcipuos Doctores & Hæresiarchas.

IV. CONCIONIS DOCIMASTICÆ, si prius industriam suam in Collegio concionatorio non probaverint, In hisce ubi probè exercitati vitæquè integræ fuerint, tanquam commodi Operarii, (præviâ Vocatione) ex benedictione divinâ, spelargioris fructus, in Vineam Domini mittentur.

Qui ex Dnn. Studiosis concionandi veniam desiderant, ut Suis & Parrocîæ, in qua nati & educati sunt, (sed non in aliis sine speciali indulgèntia) hoc sacro exercitio sese ulterius commendent, prænominata hæc Examina etiam subibunt, licet eadem ab illis non requiratur in omnibus perfectio, quæ à Dnn. Sacri Ministerij Candidatis speratur.

Quod v. attinet Examen illorum qui in Officio publico sunt, & aliam functionem ambiunt, tenentur quidem & illi, juxta priora statuta, specimen aliquod in hisce partibus deponere; sed ita, ut Examen LINGVARUM, ARTIUM INSTRUMENTALIUM & PHILOSOPHIÆ sit brevius, in unâ vel alterâ quæstiunculâ in qualibet parte & scientiâ, S. S. THEOLOGIÆ v. accuratius, præsertim in LECTIONE & ANALYSI BIBLICA.

B.V. AROE, DIE 3. MAII, ANNO MDCLXIX.

JOHANNES GEZELIUS, D.
EPISCOPUS AROENSIS.

